



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

Appendix ad Caput 10. Exempla Metaphoræ ex sacris litteris.

[urn:nbn:de:hbz:466:1-68908](https://nbn-resolving.de/urn:nbn:de:hbz:466:1-68908)

Appendix ad caput 10.

Exempla metaphoræ ex sacris literis.

Confert troporum notitia non solum ad eloquentiam, sed etiam ad scripturæ sacræ sensum indagandum, & cognoscendum. Tropis enim ut plurimum usus Spiritus Sanctus, tum ad res intellectum nostrum excendentes melius declarandas, tum ad obvelanda mysteria, quæ passim nota esse non voluit, nè margaritæ projicerentur ante porcos gentiles scilicet & improbos, tū ut multiplici eorum expositione Doctorum, & SS. Patrum ingenia exercerentur, ac multiplex eruditio sacra, ex multiplici expositione emanaret. Hujus verò cognitio cum sit utilissima iis præsertim, qui ad Ecclesiasticum statum aspirant, vel conciones audiunt, adjungam in sequentibus aliqua ex sacris litteris exempla, ut ignorantium casset admiratio in scripturæ sacræ lectione vel audizione, & ut viam habent ad plura per se investiganda & cognoscenda. Et metaphoram quidem quod attinet, ejus usus est frequentissimus in sacra Scriptura. Sic enim Christus vocatur Leo de tribu Juda, petra, lapis angularis, lapis abscissus sine manibus, via, ostium, lux mundi, vitis vera, pastor, panis vita, in sanctissimo Eucharistia Sacramento, & ipsa Sacramenta persimilitudinem in sua materia referunt visibiliter, quod gratia facit, & operatur in anima invig

invisibiliter. v.g. aqua in baptismo, oleū in extrema unctione, panis species in Eucharistia: nam sicut aqua lavat à sordibus corpus, ita gratia baptismalis à sordibus peccati, præser-tim originalis, abluit animam; & sicut oleum expeditos reddit Athletas ad pugnam; sic gra-tia in extrema unctione collata reddit animam agileni ad pugnandum contra dæmonem, in agone quam maximè infestantem. Et si-cut panis vitam quidem non restituit, sed con-servat & confortat, ita Eucharistia gra-tiam per peccatum mortale ablatam (per se loquendo) non reddit quidem (ad hoc enim requiritur absolutio in Sacramento pœnitenti-æ) sed animam in bono solidat, & in bono con-servat. Per metaphoram etiam intelli-genda est Scriptura, dum Deo tribuit corpus aut partes corporis v. g. aures, os, manus, pe-des, & actiones harum partium, ut respicere, videre, silere, loqui, odorari sacrificium, audire gemitus, & orationem, item vigilare, dormire, accedere, recedere longè, abesse: & affectus ho-minis ut irasci, lætari, dolere, pœnitere, obli-visci, recordari &c. nihil enim horum propriæ Deo convenit, sed similitudine ab homine de-sumpta explicari necesse habent. Sic Spiritus S. apparuit in igne, in vento, in forma colum-bæ, ipse tamen propriæ ignis non est, neccolumba: sed sicut ignis illuminat & accendit, si-cut columba mitis est, & sinè felle, ita Spiritus S. sic Ecclesia dicitur Civitas supra monte po-sita, mons Sion, Jerusalem &c. Apostoli pis-ctores hominum, lux mundi, sal terræ, ver-

bum Dei semen, falsi doctores lupi rapaces,
timidi autem canes non valentes latrare: sic
Herodes appellatur vulpes, Pharisæi genimi-
na viperarum, sepulchra dealbata &c. Hisce
sufficiat tanquam digito viam monstrâisse.
Universim autem hæc servatur lex. i. Inqui-
ritur an propriè seu in propria significatione
vox accipi possit absque errore in fide, aut ve-
ritate: quod si non possit, inquiratur ulterius,
cur hæc vox adhibetur pro altera, vel hæc
res alteram referat, & repræsentet? & depre-
hendetur convenientia v. g. & relatio simili-
tudinis, & constabit esse metaphoram. Quod
si autem sit convenientia effectus, vel partis,
& totius, &c. erit Synecdoche, vel Metony-
mia, vel alius tropus pro diversitate connexi-
onis de qua suprà dictum est c. 8. & 9. Unde
metaphora est in istis: vituli multi & tauri
pingues obsederunt me: item puella non est
mortua, sed dormit; quia importatur similitu-
do in propositionis explicatione, nam milites
qui Christuni patientem exagitabant, erant
petulantes sicut vituli, & feroce sicut tauri
impinguati, & incrassati, obsederuntq; illum,
sicut urbs obsideri solet, & circumdari, scili-
cket arctè & undique; & sicut qui dormit, fa-
cile excitatur, ut ad se redeat, ita Christo ac
Deo facile est mortuum vivificare, vi-
tæque ac sensui restituere.

C. M.